

واش تقدري ديرى إذا كنتي ضحية اغتصاب في الجزائر؟

الاغتصاب جريمة! وهو كُـل فعل من أفعال الإيلاج الجنسي من أي نوع كي يكون تحت الإكراه ولاء العنف ولاء التهديد. و يُعاقب عليه القانون بالحبس لمدة تتراوح من 5 إلى 10 سنين ومن 10 إلى 20 سنة إذا كانت الضحية قاصر ولاء إذا كان المعتدي عندو سلطة على الضحية (المادتان 336 و 337 من قانون العقوبات الجزائري).

باش يقدر القاضي يعتبر التعدي، إغتصاب لازم تتوفر زوج شروط حددها الإجتهاد القضائي الجزائري :

- عدم الموافقة
- الإيلاج





الموافقة/الرضا

الموافقة هي انك تقبلي بنشاط جنسي بكل حرية و وعي. يقدر يكون التعبير على عدم الموافقة بالهدرة و لا الإشارات و لا حتى لكتيبة.

و إذا كانت المرا في وضع مايسمحلهاش انها تمد الموافقة تاها (إذا كانت قاصر و لا تحت التأثير تاع الكحول و لا المخدرات ، و لا إذا كانت راقدة ، داخة و لا مشلولة بسبب الخوف و لا الخلعة) هذا معناتو راهي رافضة.

كي توافقي على فعل جنسي محدد و باين ، ماشي معناتها لازم عليك تكلمي للخر إذا حبيتي تحبسي ، ماشي معناتها راكي موافقة عليه ديما و ماشي معناتها راكي موافقة على افعال جنسية واحد أخرى.

صعيب بزاف تعرفي واش ديرى ادا تعرضتي للاغتصاب ، بصح مهم انك تشكي بلي تعدا عليك. كايين خطوات تقدرى تبعيها باش تحمي نفسك وتنقصي من التأثير على صحتك على المدى القصير والطويل ، وتزيدى فرص إدانة الشخص اللي صرّك.



واش تقدري ديرى بعد الإعتداء

- روجي لبلاصة آمنة.
- عيطي للنجدة إذا قدرتي.
- خبري وحدة ولا واحد عندك فيهم الثقة.
- خبي الأدلة تاع الاغتصاب قد ما تقدري : ماتغسلش روك و خبي القش اللي كنتي لابساتو في صاشي تاع ورق ، هاد الشي يقدر يعاون الشرطة باش تتعرف على المعتدي.
- اعلمي الشرطة ولا الدرك إذا قررتي تَقْدَمي شكوى.

تقديم شكوى

- روجي للشرطة ولا الدرك ايمدوك **تسخير*** باش تقدري تتحصلي على فحص طبي من عند الطب الشرعي ولا خدمة أمراض النسا والولادة فالسبيطار.
- هاد **الإستشارة الطبية** ، اللي فيها الفحوصات والدوا ، تعاونك باش تجيبي **شهادة طبية** تثبت الاعتداء و تحدد مدة اليامات لي خلاك هاد الاعتداء ما تقدريش تخدمي فيهم (العجز الكامل والتام عن العمل*).
- الشهادة الطبية اللي يمدوهاك **لازمة وتسحقها باش تقدري تشكي منبعد.**
- ما يهمش إذا تعرفتي على المعتدي ولا لا ، **سجلي الشكوى** تاعك عند الشرطة ولا الدرك (في حال ما كنتي تسكني في منطقة ريفية) ولا عند المدعي العام القُراب للبلاصة اللي صرى فيها الإعتداء.
- وکلي محامي وکوني طرف مدني.

* التسخير هو أمر يصدر من عند السلطات القضائية ولا الإدارية واللي يفرض على الطبيب أنو يقوم بمهمة طبية قانونية عاجلة.

* العجز الكلي عن العمل هو مقياس يقيّم أهمية الإصابات و يحدد اليامات اللي مايقدرش خلالها الشخص المعني يدير الأعمال الأساسية في حياتو تاع كل يوم.



معلومات لازم تعرفيها !

- خير لوكان تشكي ف 48 ساعة اللولة !
- إذا ماكانش عندك الدراهم اللازمة للقضية ، تقدري تطلبي محامي تعينهولك المحكمة.
- كي تشكي ، الشرطة رايحة تطلب منك تحكي واش صراك. تأكدي أنو التصريح تاعك يكون دقيق على قد ما تقدري.
- الفحص الطبي مهم تاني باش يمنع العدوى المحتملة والأمراض اللي تنتقل جنسياً ولا الحمل (تقدري تطلبي من الطبيب الشرعي ايمدلك حبوب منع الحمل الطارئة).
- لازم عليك تحتفظي بنسخة من : الشهادة الطبية والإيصال والتقرير تاع تقديم الشكوى.

• حتى واحد ، مهما تكون علاقتو معاك ، ما عندو الحق يفرض عليك فعل جنسي ما راكيش قابلاتو.

• ماراكيش غالطة : ماكانش حاجة تبرر الإغتصاب، لا اللبسة ولا التصرف. المغتصب مرتكب الجريمة هو وحدو المسؤول والمُذنب.

• ماراكيش وحدك ، اطلبي الدعم ، المساعدة و المرافقة في كامل المراحل اللي تمر بيها و الاجراءات اللي تديرها ، خاصة كي تروحي تشكي.

• ما كايين حتى سبّة تخليك تحشمي.

إتصالات مفيدة

أي اغتصاب هو صدمة تضر جسديًا و نفسيًا.

لِقاى الدِعم : ماىهمش إذا كانت الحقائق قديمة و لا جديدة، مهم انك تهدي مع ناس محترفة و لا مركز إصغاء و لا جمعية متخصصة. باش تتحصلي على الدِعم والمعلومات والتوجيه ، تقدرى تتصلي بالأرقام هادي :

• **المؤسسة من أجل المساواة CIDDEF**
خلية إصغاء : 023 49 16 58

• **جمعية نجدة النساء في شدة**
مركز استقبال النساء ضحايا العنف، الجزائر العاصمة : 023 55 53 57

• **جمعية نساء جزائريات مطالبات بحقوقهن FARD**
خلية إصغاء، وهران : 0772 26 41 61/ 0655 40 27 20

• **جمعية شبكة وسيلة / أفيف**
خلية إصغاء، الجزائر العاصمة : 023 35 14 44/ 0560 10 01 05

• **جمعية المساعدة، البحث و التحسين في علم النفس SARP**
خلية إصغاء و توجيه، الجزائر العاصمة : 0556 69 66 18 / 0554 06 43 35

• **المركز الوطني لاستقبال النساء والفتيات ضحايا العنف و/أو في وضع صعب - هيئة حكومية**
تيازة : 024 32 51 28 / 024 32 51 29
مستغانم : 045 41 73 97

• **لغد أفضل TBD Algeria**
منصة دعم و توجيه للناجين/ات من الاعتداء والتحرش الجنسي
انستغرام / فيسبوك : tbd.algeria
البريد الإلكتروني : tbd.djazair@gmail.com



أرقام الطوارئ

Police	1548 - 17	الشرطة
Gendarmerie	1055	الدرك
SAMU	16	الإسعاف
Protection Civile	14	الحماية المدنية

تيليشارجي تطبيق "Dhayen" الي تقدري تبعتي بيه إنذار بلي راكي في خطر للأقارب تاك. متوفر في غوغل پلاي و آپ ستور.



   DhayenYakfiStop
 www.dhayen.org

FONDATION POUR L'ÉGALITÉ

مؤسسة من أجل المساواة

SOS
femmes
en détresse
في الضيقة
في الضيقة

 fard
femmes
algériennes
revendiquant
leurs droits

TBD
Algeria

JFA
Le Journal Féministe Algérien


THARWA N'EDJUMA N'YOUMEA

 encommunication
جمعية المرأة في اتصال




Graine
de Paix